



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Praxis Cvræ Pastoralis Præcipve Circa Repentina &
Generaliora**

Possevino, Giovanni Battista Bernardino

Coloniæ Agrippinæ, 1645

Confessarij finem, ob quem sunt creati, suis pœnitentibus proponant.

urn:nbn:de:hbz:466:1-42220

industriam & studium suum erga eos magis explicare debebunt, qui in Patres sibi Confessarios suos cooptant, ut ad eos in dubijs & controversis suæ conscientiæ rebus quotidiè, tum pro consilio, tum pro expiandis peccatis possint accurrere. Qui quidem ad eum modum filios suos spirituales in bono proposito confirmare nitantur, ut constantissimè sibi proponant potius, quam diuinam Maiestatem offendant mortaliter, non solum bona ac honores, sed etiam vitam profundere, viuumque præferant, & salutare desiderium secundum sanctissimam Dei voluntatem totam vitam suam expendere.

Confessarij finem, ob quem sunt creati, suis pœnitentibus proponant.

Quare finem, ob quem creatus est homo, eis ob oculos ciebro ponant; qui quidem est servire & obedire in hac vita diuinæ Maiestati, & in altera in omnem æternitatem eadem frui, aliaque similia; ac proinde debere hominem exfuscitare animum, & vires sibi sumere, salutique suæ cooperari, atque eatenus rebus omnibus vti, vel abstinere, quatenus ad hunc finem consequendum adminiculo, vel impedimento esse possint; ad extremum, huc se totos actionesque suas, atque vniuersa quæ in hac vita possident destinare, ita vt in victu, vestitu, consuetudine vitæ, negotijs, omnibusque alijs exercitationibus ira sele gerant, vt omnia quasi quædam adiumenta eis esse possint ad ultimum finem, cui conditi sunt, consequendum. Cæterum, ipsi pœnitentes paratos se se exhibeant,

beant, non solum in earum rerum usu prudenter ac salutari consilio Confessarij libenter acquiescere, verum etiam si ille omnia planè vel aliqua ex ijs quæ habent deserenda esse iudicet, causa salutis eorum semper ei obedient. Confessarius tamen iuxta vniuersusque conditionem ac statum ad finem supradictū eos diriget.

Proponat eis etiam modum orandi, ut feret singulorum capacitas, & pro religiosa consuetudine omnes nitantur bis saltem in die facere preces ad Dominum, manè videlicet cum surgunt, ac vesperi dum cubitum concedunt.

Deinde exhortabitur eos, ut singulis diebus sacrum audiant, & diebus Dominicis diuina officia frequentent.

Particulatim vero modum eis præscribet orationes mentales faciendi, siue viri, siue mulieres sint, modo tamen capaces sint: rudioribus autem ostenderet quomodo Rosarium siue Corona, officium Beatæ Virginis, septem Psalmi pœnitentiales, aut similes aliæ orationes legi debeat.

Quod amplius est, omnes suæ fidei concretos eo inducat, ut examen conscientiæ quotidie faciant: tempus autem huic rei accommodatum erit, dum vesperi signo publico campanæ simul cum tota familia ad preces inuitatur, Admoneat quoque eos de frequenti confessione & communione, paulatim eos secundum B. Augustini consilium in sanctam eam consuetudinem adducat, ut diebus Dominicis communient. (August. epist. 119. ad Ianuar. & in lib. de Eccles. dog. c. 53 & de consec. dist. 2. cap. quotidiæ.)

Quando autem aliquem nocti erunt, quem ad hoc præstandum esse videant iridoneum, conabuntur eum paulatim, ac veluti per gradus quosdam eum euehere. Primo hortabuntur, ut quando omnes debent percipere venerabile Sacramentum, etiam festis toto anno celebrioribus, præter ipsum diem solennem Paschæ, quo debent omnes communicare, scil. festo Pentecostes, Assumptionis B. Virginis, Omnium Sanctorum, Natalis Domini, deinde etiam Dominicæ in capite Quadragesimæ, pro indulgentijs acquirendis, ac præparatione ad sanctum Quadragesimale ieiunium: paulo post superaddat aliquot dies: postea hortetur, ut singulis mensibus semel id præster. Quod si fieri, facile ad communionem oītiduanam erit progredi.

*Quomodo dies festos impendere docere debeat
Confessarius.*

Speciali cura eos admonebit Confessarius, ut dies festos in honorem, seruitiumque Diuinum impendant, quod ut commodius fiat, auctoreis erit, ut alicui Societati sese assident, quæ ex instituto proprio dies festos in orationibus, pijsq; operibus expendit: veluti est ea, quam Scholam vita Christiana dicunt. In vniuersum autem patres, matresve familias admoneat, ut familiam suam ad Dei honorem instituant, ac liberorum suorum curam eximiam habeant, qui interim dabunt operam, ut visitent scholas, vbi doctrina Christiana docetur, modo ducent una secum eos festis diebus ad conciones, ad Vespertinas preces, ad prælectiones sacras, modo ad frequentem confessionem & communionem eos accompe-